



Broj: 07-16-4-7- 14/24

Sarajevo: 08.05.2024. godine

Na osnovu člana 2. Odluke o formiranju Komisije za provođenje procedure javnog nadmetanja-licitacije za prodaju motornih vozila broj: 07-16-4-7-2/24 od 28.03.2024. godine i na osnovu Instrukcije Ministarstva finansija i trezora o načinu i pravilima provođenja javne prodaje-licitacije za prodaju motornih vozila budžetskih korisnika institucija Bosne i Hercegovine, broj 08-02-2-4348/23 od 29.05.2023. godine, Komisija za provođenje procedure javnog nadmetanja-licitacije za prodaju motornih vozila, putem nadmetanja javnim oglašavanjem/javnom licitacijom, pripremila je pravila o postupku sprovođenja javnog nadmetanja-licitacije.

PRAVILA JAVNE LICITACIJE

za prodaju vozila Agencije za prevenciju korupcije i koordinaciju borbe protiv korupcije po Odluci broj: 07-16-4-7-1/24 od 28.03.2024. godine i Odluci o izmjeni i dopunama Odluke broj: 07-16-4-7-7/24 od 04.04.2024. godine.

Član 1.

(Predmet prodaje)

Pravilima javne licitacije propisuje se organizacija i postupak provođenja javne licitacije (u daljem tekstu: Pravila) za prodaju vozila u vlasništvu Agencije za prevenciju korupcije i koordinaciju borbe protiv korupcije na osnovu Odluke o pokretanju postupka prodaje motornih vozila Agencije za prevenciju korupcije i koordinaciju borbe protiv korupcije broj: 07-16-4-7-1/24 od 28.03.2024. godine i Odluke o izmjeni i dopunama Odluke o pokretanju postupka prodaje motornih vozila Agencije za prevenciju korupcije i koordinaciju borbe protiv korupcije, broj: 07-16-4-7-7/24 od 04.04.2024. godine i to:

LO T	Marka i model vozila, boja	Vrsta goriva	Broj šasije i broj motora	God. proiz v.	Opis stanja vozila, pređeni kilometri	Zapremin a i snaga KW/cm ³	Početn a cijena u KM
1.	Škoda, Octavia Elegance CRNA	DIZE L	TMBBN21Z4C2198 691, CLC100336	2012	Vozilo trenutno nije funkciji jer je set spojnice u kvaru i treba ga zamijeniti. Vozilo pored zimskih	81 / 1968	7557,2 9

					posjeduje i set ljetnih guma Michelin te svu prateću opremu za vozilo. Pređeni kilometri: 248769 km		
2.	Škoda, Octavia Elegance CRNA	DIZE L	TMBBN21Z5D2072 325, CLC101841	2012	DOBRO, vozilo pored zimskih posjeduje i set ljetnih guma Michelin te svu prateću opremu za vozilo. Pređeni kilometri: 258574 km	81 / 1968	9666,61
3.	Škoda, Octavia Elegance CRNA	DIZE L	TMBBN21Z1D2016 642, CLC100632	2012	DOBRO, vozilo pored zimskih posjeduje i set ljetnih guma Michelin te svu prateću opremu za vozilo. Pređeni kilometri: 184978 km	81 / 1968	10581,79

Član 2.
(Način provođenja licitacije)

(1) Obavijest o javnom nadmetanju ili kraći tekst javnog poziva za nadmetanje, odnosno oglas će se objaviti u najmanje tri dnevna lista koja se distribuiraju na teritoriji Bosne i Hercegovine, vodeći računa da ukupni troškovi za obavijest ili kraći tekst javnog poziva budu što manji za instituciju, kao i na zvaničnoj web stranici Agencije www.apik.ba

(2) Prodaja vozila će se izvršiti putem javnog nadmetanja, metodom prikupljanja pismenih ponuda.

Član 3.
(Početna cijena)

Početnu prodajnu cijenu (minimalnu prodajnu cijenu) za putnička motorna vozila LOT 1, LOT 2 i LOT 3 utvrdio je procijenitelj po Ugovoru broj: 07-16-4-7-9/24 od 05.04.2024. godine.

Član 4.
(Komisija za provođenje postupka licitacije)

- (1) Postupak licitacije provodi Komisija za provođenje procedure javnog nadmetanja-licitacije za prodaju motornih vozila Agencije za prevenciju korupcije i koordinaciju borbe protiv korupcije (u daljem tekstu: Komisija), imenovana Odlukom broj: 07-16-4-7-2/24 od 28.03.2024. godine
- (2) Članovi Komisije su dužni prijaviti svaki sukob interesa tokom provođenja postupka javne licitacije.
- (3) Postupak sprovođenja javnog nadmetanja-licitacije vodi predsjedavajuća Komisije.
- (4) Administrativno-tehničke poslove za potrebe Komisije obavlja sekretar.

Član 5.
(Pravo učešća)

- (1) Pravo učešća u postupku javnog nadmetanja/ licitacije imaju sva pravna i fizička lica , koja prije utvrđenog roka za licitaciju uplate predviđeni depozit/kauciju za učešće na javnom nadmetanju/licitaciji koji ne može biti :
 - a. manji od 6% početne vrijednosti za vozila procjenjene vrijednosti do 5.000,00 KM;
 - b. manji od 8% početne vrijednosti za vozila procjenjene vrijednosti u rasponu od 5.000,00 KM pa do 10.000,00 KM;
 - c. manji od 9% početne vrijednosti za vozila procjenjene vrijednosti u rasponu od 10.000,00 KM pa do 20.000,00 KM;
 - d. manji od 10% početne vrijednosti za vozila procjenjene vrijednosti preko 20.000,00 KM.
- (2) Zaposleni u Agenciji za prevenciju korupcije i koordinaciju borbe protiv korupcije i članovi njihove uže porodice nemaju pravo učešća na licitaciji.
- (3) Uplata depozita/kaucije za učešće u postupku javnog nadmetanja/licitacije se vrši uplatom na glavni budžetski račun kod Centralne banke BiH broj 0000030000000145.

Prilikom uplate na pomenuti račun treba navesti sledeće podatke:

Primalac: Ministarstvo finansija i trezora

Transakcijski račun broj:0000030000000145

Poziv na broj: 37111

Svrha uplate: Javno nadmetanje – licitacija u Agenciji za prevenciju korupcije i koordinaciju borbe protiv korupcije

Član 6. **(Licitacija)**

Postupak licitacije obuhvata:

- a) pripremu licitacije;
- b) registraciju ponuđača (provjera identiteta podnosioca ponude, zakonskog zastupnika ili punomoćnika) ;
- c) otvaranje ponuda;
- d) proglašavanje pobjednika javnog nadmetanja/ licitacije,
- e) aktivnosti poslije sprovedene licitacije: verifikacija postupka, verifikacija sprovedene licitacije, izrada prijedloga za izradu kupoprodajnog ugovora i predaja vozila kupcu.

Član 7. **(Javni oglas o licitaciji)**

Nakon pribavljanja saglasnosti direktora na Pravila licitacije Komisija sačinjava javni oglas o licitaciji. Obavijest o javnom nadmetanju ili kraći tekst javnog oglasa oglašava se u sredstvima javnog informisanja, u najmanje tri dnevna lista koja se distribuiraju na području Bosne i Hercegovine.

Kompletan tekst javnog oglasa, kao i tekst ovih Pravila, biće objavljeni na web stranici Agencije www.apik.ba

Član 8. **(Sadržaj javnog oglasa)**

Javni oglas sadrži:

- a) Podatke o Agenciji za prevenciju korupcije i koordinaciju borbe protiv korupcije (adresa, telefon, fax, kontakt osoba);
- b) Opis predmeta licitacije po lotovima;
- c) Mjesto i vrijeme gdje se može pogledati vozilo koje je predmet licitacije, telefon i kontakt osoba za informaciju;
- d) Mjesto, datum i vrijeme početka održavanja licitacije (registracija učesnika, otvaranje ponuda);
- e) Rok i način podnošenja ponuda;
- f) Početna cijena vozila koja se nude na prodaju izražena u konvertibilnim markama;
- g) Iznos depozita/kaucije za učešće u licitaciji i način uplate depozita;
- h) Dodatne informacije i
- i) Obrasce za podnošenje ponude.

Član 9. **(Dostavljanje ponuda)**

- (1) Ponude se dostavljaju u zatvorenoj (neprovidnoj) kovrti sa naznakom: NE OTVARATI-Ponuda za prodaju vozila putem licitacije – LOT br. __“, sa dokazom o izvršenoj uplati depozita. Ponude se dostavljaju na propisanom obrascu koji se može preuzeti na pisarnici Agencije, kao i na web stranici Agencije www.apik.ba i koji su u prilogu teksta javnog oglasa i Pravila.

- (2) Ponude se mogu dostaviti lično na Pisarnicu Agencije, za prevenciju korupcije i koordinaciju borbe protiv korupcije, Dabrobosanska 26-28, I. Sarajevo 71123, ili putem pošte na adresu Agencija za prevenciju korupcije i koordinaciju borbe protiv korupcije, Dabrobosanska 26-28, I. Sarajevo 71123.
- (3) Rok za dostavljanje ponuda je 8 dana od dana objavljivanja u sredstvima javnog informisanja.
- (4) Sve ponude koje pristignu nakon roka naznačenog u javnom oglasu, neće se uzimati u razmatranje.
- (5) Javno otvaranje ponuda uz prisustvo zainteresovanih ponuđača održaće se na dan zakazane licitacije.
- (6) Otvaranju ponuda mogu prisustvovati fizička lica lično ili po punomoćniku, te lica koja su ovlaštena da zastupaju pravno lice ili punomoćnik za učešće u postupku licitacije.

Član 10.

(Sadržaj i prihvatljivost ponude)

- (1) Ponuda sadrži:
 - a) podatke o fizičkom licu (ime i prezime, ime jednog roditelja, adresu i broj telefona, broj tekućeg računa i ovjerenu kopiju identifikacijskog dokumenta);
 - b) podatke o pravnom licu (naziv pravnog lica, adresu i broj telefona, potpis ovlaštene osobe i pečat, ime ovlaštenog lica za zastupanje u postupku licitacije, rješenje o upisu u sudski registar ne starije od tri mjeseca ovjerenog od strane nadležnog organa, broj poslovnog računa).
 - c) iznos ponude u konvertibilnim markama;
 - d) broj LOT-a za koji se podnosi ponuda;
 - e) dokaz o uplati depozita;
 - f) ponuda se dostavlja na propisanom obrascu (Obrazac 1- Fizička lica i Obrazac 2- Pravna lica).
- (2) Ponuda mora biti potpisana od strane podnosioca, a ukoliko je ponuđač pravno lice, ista mora biti i ovjerena pečatom pravnog lica.
- (3) Prihvatljivom ponudom se smatra ponuda koja sadrži podatke iz stava (1) i (2) ovog člana i čiji je iznos ponude jednak ili veći od početne cijene vozila.
- (4) Jedan ponuđač može dostaviti ponudu za jedan ili više LOT-ova, s tim da se za jedan LOT može dostaviti samo jedna ponuda.
- (5) Licitacija će biti punovažna i u slučaju da ponudu dostavi samo jedan ponuđač.

Član 11.

(Postupak licitacije)

- (1) Agencija za prevenciju korupcije i koordinaciju borbe protiv korupcije će osigurati javno otvaranje ponuda uz prisustvo zainteresovanih fizičkih lica i ovlaštenih predstavnika pravnih lica koja dostave ponude.
- (2) Postupak nadmetanja, odnosno licitacije počinje registracijom ponuđača koja podrazumjeva provjeru identiteta podnosioca ponude, zakonskog zastupnika ili punomoćnika.
- (3) Predsjednik Komisije pristupa otvaranju prispjelih ponuda čiji se sadržaj unosi u listu ponuđača koja sadrži: naziv ponuđača, redni broj ponude po prispjeću, vrsta vozila ili broj LOT-a ponuđeni iznos i prihvatljivost ponude.
- (4) Ponude koje ne ispunjavaju uslove iz člana 10. ovih Pravila neće se razmatrati u daljem postupku licitacije.
- (5) Komisija, nakon razmatranja liste ponuđača, utvrđuje najvišu cijenu ponude za sva vozila o čemu usmeno obavještava prisutne ponuđače. Predsjednik Komisije proglašava pobjednike licitacije koji su dostavili najvišu cijenu ponude za ta vozila.

- (6) Ako se na poziv za određeno vozilo odazove samo jedan ponuđač s prihvatljivom ponudom Komisija ga proglašava pobjednikom licitacije.
- (7) Ako se prijave dva ili više ponuđača sa prihvatljivom ponudom i istom cijenom, koja je ujedno i najviša cijena ponude Komisija će proglasiti pobjednikom ponuđača koji je ranije dostavio ponudu po datumu i vremenu prijemnog štambilja službe pisarnice Agencije.
- (8) Nakon proglašenja pobjednika za sva putnička vozila koja su predmet prodaje Komisija izrađuje listu pobjednika licitacije i zapisnik o toku licitacije. Zapisnik o provedenom toku licitacije, listu ponuđača i listu pobjednika licitacije potpisuju svi članovi Komisije.
- (9) Komisija obavještava direktora Agencije za prevenciju korupcije i koordinaciju borbe protiv o uspješnosti licitacije i/ili neprodatim vozilima radi donošenja konačne odluke direktora o daljem postupku u vezi sa neprodatim vozilima.

Član 12.

(Održavanje reda u postupku licitacije)

- (1) Komisija osigurava efikasno i nesmetano odvijanje postupka licitacije te jednak tretman prema svim učesnicima licitacije.
- (2) Učesnici u postupku licitacije iz ovih Pravila dužni su se ponašati u skladu sa pozitivnim pravilima ponašanja, izbjegavajući narušavanje reda i mira u postupku provođenja licitacije.
- (3) Komisija ima pravo da sa licitacije odstrani učesnika koji se ne pridržava pravila ponašanja iz stava (2) ovog člana.

Član 13.

(Prigovor na povredu pravila licitacije)

- (1) U toku samog postupka licitacije, registrovani kandidati iz člana 11. ovih Pravila imaju pravo podnošenja usmenog ili pismenog prigovora Komisiji, zbog povrede Pravila postupka licitacije.
- (2) Prigovor ne odlaže provođenje procedure licitacije, a osnovanost prigovora ocjenjuje Komisija neposredno po njegovom ulaganju, te istovremeno odlučuje po prigovoru, što se konstatuje u zapisniku o radu Komisije.

Član 14.

(Pristup informacijama)

Učesnici u postupku licitacije imaju pravo uvida u dokumentaciju nastalu u postupku licitacije u skladu sa Zakonom o slobodi pristupa informacijama u Bosni i Hercegovini ("Službeni glasnik BiH", broj 61/23).

Član 15.

(Povrat depozita)


- (1) Svim učesnicima licitacije čije ponude ne budu prihvaćene vraća se uplaćeni depozit, a isti se isplaćuje na račun sa kojeg je izvršena uplata depozita prema Zahtjevu koji Agencija uputi Ministarstvu finansija i trezora BiH.
- (2) Pobjedniku licitacije uplaćeni depozit se vraća nakon zaključenja Ugovora i uplate cjelokupnog iznosa prodajne cijene, a isti se isplaćuje na račun sa kojeg je izvršena uplata depozita prema Zahtjevu koji Agencija uputi Ministarstvu finansija i trezora BiH.


(3) Ukoliko ponuđač odustane od valjane ponude gubi pravo na povrat depozita.


Član 16.
(Obaveze kupca-ponuđača)

- (1) Ponuđač čija ponuda bude prihvaćena (u daljem tekstu: kupac), dužan je pristupiti zaključenju ugovora u roku od 7 (sedam) dana od dana završetka postupka licitacije.
- (2) Kupac je dužan za kupljeno motorno vozilo uplatiti puni iznos kupoprodajne cijene u roku od 7 (sedam) dana od dana potpisivanja ugovora.
- (3) Sve poreze i troškove oko prenosa vlasništva snosi kupac.
- (4) Prodaja se vrši po načelu „videno-kupljeno“, bez naknadnih prigovora i žalbi koje se odnose na predmet prodaje, a primopredaja vozila će se izvršiti odmah po predočenju dokaza o izvršenoj uplati kupoprodajne cijene.
- (5) Ako kupac odustane od kupovine (odnosno ne pristupi sklapanju ugovora ili ne uplati puni iznos ponudene cijene), uplaćeni depozit mu se neće vratiti, a Agencija za prevenciju korupcije i koordinaciju borbe protiv korupcije će zaključiti ugovor sa slijedećim najpovoljnijim ponuđačem sa licitacije, čija ponuda treba da bude ista ili veća od procijenjene vrijednosti vozila.

KOMISIJA:

Jasmina Kulenović, predsjedavajuća  08.05.2024

Mirela Tomić, član 

Dragan Macan, član 

Slavica Cvijetić, sekretar 

SAGLASAN

DIREKTOR

 13.05.24
Elvis Kondžić

Prilog:

- Obrazac ponude za fizička lica;
- Obrazac ponude za pravna lica.

P O N U D A
za kupovinu putničkog motornog vozila ,
Broj LOT-a _____

IME I PREZIME	
IME JEDNOG RODITELJA	
ADRESA	
BROJ KONTAKT TELEFONA	
BROJ TEKUĆEG RAČUNA I NAZIV BANKE	
CIJENA PONUDE KM	
CIJENA KM (SLOVIMA)	

Potpis podnosioca ponude

Datum, _____ 2024.godine

PRILOG:

- Ovjerena kopija identifikacionog dokumenta;
- Dokaz o izvršenoj uplati depozita/kaucije za učešće u postupku javnog nadmetanja.

P O N U D A
za kupovinu putničkog motornog vozila ,
Broj LOT-a _____

NAZIV PRAVNOG LICA	
ADRESA	
BROJ KONTAKT TELEFONA	
BROJ POSLOVNOG RAČUNA PRAVNOG LICA I NAZIV BANKE	
IME LICA OVLAŠTENOG ZA ZASTUPANJE U POSTUPKU LICITACIJE	
CIJENA PONUDE KM	
CIJENA KM (SLOVIMA)	

M.P

Potpis ovlaštenog lica

Datum, _____ 2024.godine

PRILOG:

- Kopiju rješenja o upisu u sudski registar ne stariju od tri (3) mjeseca ovjerenu od strane nadležnog organa(za pravne osobe);
- Dokaz o izvršenoj uplati depozita/kaucije za učešće u postupku javnog nadmetanja.